

PAM DEWIS TGAU CERDDORIAETH?



Bydd cymhwyster CBAC TGAU Cerddoriaeth yn eich cefnogi i:

- ddatblygu sgiliau perfformio
- datblygu sgiliau creadigol
- deall ffurfiau, arddulliau a genres cerddorol
- gwerthfawrogi sut i gyfathrebu'n gerddorol
- archwilio cerddoriaeth a grëwyd ac a berfformir gan bobl eraill i helpu i ddatblygu eich doniau eich hun
- adfyfyrio ar eich gwaith eich hunain, ei fireinio a'i werthuso
- archwilio amrywiaeth, hunaniaeth a diwylliant

BETH FYDDAF YN EI ASTUDIO?

Mae'r cymhwyster TGAU Cerddoriaeth yn seiliedig ar astudio a chymhwyso'r elfennau cerddoriaeth a restrir isod:

- dynameg
- ffurf ac adeiledd
- harmoni
- alaw a thraw
- technegau perfformio/cynaniad
- soniaredd ac ansawdd
- tempo, rhythm a mesur
- gwead
- cyweiredd.

SUT BYDDAF YN CAEL FY ASESU?

Uned 1 - Perfformio

Asesiad di-arholiad

32.5% o'r cymhwyster: 78 marc

O leiaf 2 ddarn, 4-6 munud

Unawd a/neu ensemble

Byddwch yn dewis darnau yr hoffech eu perfformio, yn unigol neu fel rhan o ensemble.

Uned 2 - Cyfansoddi

Math o Asesiad: Asesiad di-arholiad

32.5% o'r cymhwyster: 78 marc

2 gyfansoddiad, cyfanswm o 3-6 munud

Byddwch yn cyfansoddi eich cerddoriaeth eich hun mewn arddull a ddewiswch, un i'r friff a osodir ac un i'r ch briff eich hunain. Byddwch hefyd yn cyflwyno log adfyfyriol wedi'i asesu.

Uned 3 - Gwerthuso

Math o Asesiad: Arholiad digidol (1awr 30m)

35% o'r cymhwyster: 84 marc

Bydd cwestiynau'r arholiad yn seiliedig ar ddarnau o gerddoriaeth y byddwch yn gallu gwrando arnynt, a bydd disgwyl i chi wybod a deall yr elfennau cerddoriaeth a sut maent yn cael eu defnyddio. Byddwch yn astudio 2 ddarn o waith gosod yn fanwl.

PA SGILIAU FYDDAF YN EU DATBLYGU?

Archwilio: byddwch yn cael y cyfle i archwilio amrywiol arddulliau a genres cerddorol sy'n gysylltiedig â gwahanol ddiwylliannau yng Nghymru a'r byd ac i ddeall sut cafodd y rhain eu creu i gynhyrchu'r bwriad arfaethedig. Byddwch yn gallu defnyddio'r syniadau hyn i greu a datblygu eich cerddoriaeth eich hun. Gallech hefyd gyfansoddi drwy archwilio syniadau wrth greu'n fyrfyfyfyr

Ymateb ac adfyfyrio: byddwch yn gallu gwerthuso a mireinio eich gwaith drwy adfyfyrio a chael adborth gan eraill, i greu cynnyrch gorffenedig llwyddiannus

Creu: byddwch yn creu cerddoriaeth wreiddiol eich hun mewn arddull o'ch dewis, a darn i fodloni briff a fydd wedi'i bennu gan CBAC gan ddefnyddio'r technegau rydych wedi'u harchwilio ac adfyfyrio arnynt.

GYRFAOEDD MEWN CERDDORIAETH

Mae'r cymhwyster hwn yn darparu sylfaen addas ar gyfer astudio Cerddoriaeth ar lefel Safon Uwch. Bydd hefyd yn darparu cwrs astudio boddhaus a gwerthfawr i chi os nad ydych yn dewis mynd ymlaen i astudio'r pwnc hwn ymhellach.

Yn y dyfodol, Creadigrwydd fydd un o'r sgiliau pwysigaf y bydd y galw mwyaf amdano yn y gwaith (Fforwm Economaidd y Byd). Pan holwyd arweinwyr busnes ledled y byd, Creadigrwydd oedd eu dewis nhw fel y gallu pwysigaf yn y gweithle i helpu eu busnesau i oroesi a thyfu. Mae hyn yn golygu bod astudio pynciau creadigol, fel Cerddoriaeth, yn dod yn fwyfwy pwysig a pherthnasol i bobl ifanc er mwyn rhoi'r cyfle i chi lwyddo - beth bynnag yw eich uchelgeisiau! Ar yr un pryd, byddwch yn dod ar draws llawer o gyfleoedd i ddatblygu a gwella eich llesiant personol yn annibynnol ac fel rhan o gymuned ehangach.

Yn bwysig, bydd astudio cerddoriaeth yn datblygu llawer o sgiliau trosglwyddadwy gan gynnwys cyfathrebu, sgiliau cyflwyno, gweithio mewn tîm, arwain, ffocysu, mireinio, creadigrwydd a hunanhyder.

DYSGWCH FWY - SIARADWCH Â'CH ATHRO HEDDIW!

Yn arbennig i Gymru.
Yn barod i'r byd.

